



JAVNI POZIV

ORGANIZACIJAMA CIVILNOG DRUŠTVA I STRUČNJACIMA ZA IZRAŽAVANJE INTERESA ZA SUDJELOVANJE U IZRADI STRATEGIJE TRANZICIJSKE PRAVDE U BIH I AKCIONOG PLANA ZA NJEZINU PROVEDBU

Ministarstvo pravde Bosne i Hercegovine, u saradnji sa Ministarstvom za ljudska prava i izbjeglice Bosne i Hercegovine pokreće aktivnosti izrade Strategije tranzicijske pravde u Bosni i Hercegovini putem najšireg konsultativnog procesa sa svim segmentima bosanskohercegovačkog društva.

Tranzicijska pravda uključuje niz različitih mehanizama koji su osmišljeni tako da se pomoću njih prepoznaju i otklone povrede prava u prošlosti, u vidu krivičnog gonjenja počinitelaca, provođenja napora na utvrđivanju istine, izgradnje spomen obilježja, te utvrde programi obeštećenja, ali i da se ujedno spriječe buduće povrede prava izgradnjom snažnih demokratskih institucija, jačanjem vladavine prava i zaštitom ljudskih prava. Strategija bi trebala predložiti modele i aktivnosti u područjima tranzicijske pravde koji bi se primjenjivali u BiH i utvrditi plan provođenja sa jasnim rokovima.

U narednom razdoblju bit će organiziran niz okruglih stolova i javnih rasprava, te pokrenuto više pilot projekata i inicijativa kako bi se što transparentnije i sveobuhvatnije istražili najprimjereniji mehanizmi tranzicijske pravde za BiH.

Pravo učešća:

Pozivaju se sve zainteresirane organizacije civilnog društva, akademske zajednice i druge organizacije, kao i stručnjaci s iskustvom u oblasti tranzicijske pravde iz svih dijelova BiH da iskažu svoj interes za aktivnim učešćem u ovom procesu.

Učešće u ovom Javnom pozivu je otvoreno, na jednakim osnovama, za sve registrirane organizacije civilnog društva, akademske zajednice i druge organizacije.

U okviru prijave na Javni poziv, svi zainteresirani trebaju popuniti obrazac prijave i upitnik o sudjelovanju u procesu razvijanja Strategije tranzicijske pravde u BiH, koji su dostupni na web stranici Ministarstva pravde BiH www.mpr.gov.ba.

Nakon analize pristiglih prijava biti će organizirana konferencija, na kojoj će biti prezentirani rezultati Javnog poziva i promovisan cjelokupni proces izrade Strategije, uz učešće i podršku interesnih grupa i pojedinaca, predstavnika civilnog društva i institucija vlasti na nivou BiH i entitetskom nivou.

Kontakt osoba za sve daljnje informacije je gospođa Selma Džihanović-Gratz, telefon broj (033) 281-597, e-mail adresa: selma.dzihanovic@mpr.gov.ba.

Ovaj Javni poziv u istovjetnom obliku objavljen je na web stranici Ministarstva pravde Bosne i Hercegovine i ostaje otvoren 21 dan od dana objave u dnevnim listovima i na web stranici Ministarstva pravde Bosne i Hercegovine.

Sve prijave na ovaj Javni poziv podnose se putem pošte, na sljedeću adresu:

Ministarstvo pravde BiH

Sektor za strateška planiranja, koordinaciju pomoći i evropske integracije

Trg BiH 3/IX

71 000 Sarajevo

sa naznakom:

„Prijava na Javni poziv za učešće u izradi Strategije tranzicijske pravde u BiH“